



UPUTSTVO KANDIDATIMA KOJI SU SE PRIJAVILI NA KONKURS ZA UPIS STUDENATA U PRVU GODINU STUDIJA NA MEDICINSKOM FAKULTETU UNIVERZITETA U TUZLI U AKADEMSKOJ 2021/22. GODINI

MJESTA POLAGANJA PRIJEMNOG ISPITA OBJAVLJENA SU NA WEB STRANICI MEDICINSKOG FAKULTETA I UNIVERZITETA U TUZLI (www.unitz.ba) dana 02.07.2021. godine.

Prijemnom ispitu može pristupiti kandidat čija je prijava na Konkurs potpuna i blagovremena i koji ispunjava uslove Konkursa.

Identifikovanje kandidata na prijemnom ispitu vrši se ličnim dokumentom sa fotografijom kao što je: lična karta, pasoš ili vozačka dozvola.

Kandidat koji ne bude posjedovao identifikacioni dokument neće moći pristupiti prijemnom ispitu.

Kandidati na prijemnom ispitu dužni su se pridržavati važećih higijensko-epidemioloških mjera i preporuka nadležnih organa usljed pojave pandemije coronavirusa – COVID-19.

Kandidati trebaju doći na mjesto određeno za polaganje prijemnog ispita najmanje 15 minuta ranije. Kandidatu koji zakasni na prijemni ispit neće biti omogućeno polaganje istog.

Kandidat koji ne pristupi prijemnom ispitu eliminiše se iz procedura prijema na Univerzitet. Izuzetno, kandidat koji iz naročito opravdanih razloga ne pristupi ispitu kao što su: smrt užeg člana porodice, iznenadna teška bolest i bolničko liječenje ili zbog nemogućnosti da pristupi ispitu zbog prekida saobraćaja koji se može dokazati, najkasnije narednog dana može podnijeti zahtjev Komisiji fakulteta za omogućavanje naknadnog polaganja prijemnog ispita, uz pružanje dokaza o spriječenosti polaganja prijemnog ispita na dan utvrđen Konkursom.

Prijemni ispit **na Integrisanom studiju medicine radi se tri sata (180 minuta)**, a prijemni ispit **na Odsjeku zdravstvenih studija dva sata (120 minuta)**. Test na prijemnom ispitu **OBAVEZNO** se radi **NEBRISIVOM HEMIJSKOM OLOVKOM PLAVE BOJE** (kandidati takvu olovku obavezno moraju donijeti na prijemni ispit).

Ukoliko se odgovor na pitanje daje po sistemu **zaokruživanja**, svaki drugi oblik označavanja (precrtavanje, podvlačenje, dopisivanje i sl.) smatraće se netačnim odgovorom.

Ukoliko se odgovor daje dopisivanjem teksta ili izradom zadatka, rad treba da bude pregledan i čitljiv. Pri izradi zadatka neophodno je napisati cjelokupni postupak izrade i zaokružiti tačan odgovor.

U prostoriju u kojoj se radi prijemni ispit kandidati **ne smiju unijeti mobilni telefon, kalkulator, niti bilo koje drugo elektronsko pomagalo, kao ni drugi pisani materijal.**

Ukoliko kandidat tokom prijemnog ispita koristi nedopuštena sredstva (prepisivanje, korištenje nedozvoljenih tehničkih uređaja, ometanje ili druge nedopuštene radnje), službeno lice fakulteta koje dežura na prijemnom ispitu će ga udaljiti sa ispita.

Kandidat koji se ne bude pridržavao ovog Uputstva bit će udaljen sa prijemnog ispita.

**PREDSJEDNIK KOMISIJE ZA REALIZACIJU
KONKURSA ZA PRIJEM STUDENATA**

Prof. dr. med.sc. Selmira Brkić